

Kalaallit nunaanni inuussutissarsiornermik suliffeqarfiutilinnut inatsisit aalajangersagaata nalunaarutaanik atuutilersitsineq

Matumuuna Kalaallit nunaanni inuussutissarsiornermik suliffeqarfiutilinnut inatsisit nalunaarutaa nr. 622, juunip 23.-ni 2008-meersoq aalajangersarneqassaaq, aalajangersagaq nr. 2625, decembarip 28.-ni 2021-meersumik allannguutilimmik.

Kapitali 1

Atuuffii, nassuiaatillu

§ 1. Aalajangersagaq¹⁾ suliffeqarfimmi peqataasunit aningaasaqarnikkut soqutigisaanni inuussutissarsiornermi ingerlatsinikkut siuarsaaneq siunertaralugu, suliffeqarfinnut atuuppoq.

Imm. 2. Suliffeqarfinni aalajangersagaq taanna ima paasineqassaaq, inummit ataatsimit suliffeqarfiutigineqartut, suliffeqarfiit piginneqatigiiffiusut (peqatigiiffiit piginneqatigiiffiusut) kiisalu suliffeqarfiit allat, peqatigiiffillu killilimmik akisussaaffillit, suliffeqarfinnut inatsisini ilaatinneqanngitsut, Kalaallit nunaanni kunngip aalajangersagaatigut atuutilersitaasut, imaluunniit aningaasaateqarfiit inuussutissiornermik ingerlatsisunut inatsit, Kalaallit nunaanni, kunngip aalajangersagaatigut atulersitaasut. Assigisaanik suliffeqarfiit nunanit allaneersut immikkoortortaarfii, aappiussatut aalajangersakkami ilaatinneqartut.

Imm. 3. Ingerlatseqatigiiffiit killilimmik akisussaaffillit tak. § 3, aalajangersakkap atulersinneqarneratiguinnaq pilersinneqarsinnaapput. Kingorna ingerlatseqatigiiffiit killilimmik akisussaaffilimmik, aalajangersagaq taanna naapertorlugu allattorsimasuulersinnaanatillu, allattorsimalersinnaanngillat.

Imm. 4. Suliffeqarfik inuussutissarsiornermik ingerlatsinermut aalajangersagaq taanna malillugu suliaqartutut isigineqartuni, imaattoqarpat

- 1) nioqqutissanik nuussinermut, tigussaasuunngitsunilluunniit pisinnaatitaaffilik, kiffartuussinermik tunniussaartoq, assigisaanilluunniit, nalinginnaasumik suliffeqarfimmiit akissarsiaqarfiusumik,
- 2) suliffeqarfik aalajangersimasumik illuutunik tuniniaanermik, attartuinermilluunniit suliaqartoq,
- 3) ingerlatseqatigiinnermut inatsimmi, kunngip aalajangersagaatigut §§ 6-kkut, 7-kkullu Kalaallit nunaanni atuutilersitaasumik, ingerlatseqatigiinnikkut piginneqatigiinnermi aktie- imaluunniit ingerlatsinermut piginneqatigiinnermi imaluunniit suliffeqarfik alla peqatigalugu, nr. 1-mi, 2-miluunniit taaneqartunik suliaqartuni inuussutissarsiornermi ingerlatsineq,
- 4) ileqqoreqqusat isumaqatigiissusiarluunniit naapertorlugit suliffeqarfinnut allamut sunniuteqartutut aalajangiisartutut suliaqartoq, suliffeqarfinnut allamut atatillugu nr. 3-mi oqaatigineqartoq piginagu,

tassannga ingerlatsinermut inernernik annertuumik piginneqataasuni.

§ 1 a. Tamatuma saniatigut aalajangersagaq siornatigut suliffeqarfiit aningaasaqarnermut suliffeqarfittut atuuffeqarpoq tak. imm. 2.

Imm. 2. Aalajangersakkami tassani, aningaasaqarnermut suliffeqarfiusimasoq allanngortinneqartoq, aningaasaqarnermut suliffeqarfiusimasoq, aningaasaqarnermut inatsit naapertorlugu aningaasaqarnermut suliffeqarfiup allanngortinneqarneranut atatillugu, aningaasaqarnermi suliat immikkoortinneqarnerisut paasineqassaaq.

§ 2. Ingerlatseqatigiiffik piginneqatigiiffiusoq, aalajangersakkami tassani suliffeqarfittut peqataasunit tamanit inummut atassuteqartutut paasineqassaaq, suliffeqarfiup pisussaaffiitut killilersuinngitsumik, suleqatigiiffiusumillu.

Imm. 2. Suliffeqarfinni isertitaannarminnik ingerlasuni peqataasoq, peqataasulluuniit arlallit, suliffeqarfiup akiitsuinik killeqanngitsumik, inuttullu inatsisitigut qilersorsimasutut paasineqassapput, suliffeqarfimmullu pisussaaffinnut akisussaaqatigiittut suleqatigiit arlaqarpata, ataaserli, arlallilluunniit peqataasoq/sut inuttut aningaasaliisuuppata, suliffeqarfiup pisussaaffiit killilimmik inatsisitigut pisussaaffeqassaaq. Inuttut aningaasaliisunik suliffeqarfinnut, juunip 1.-ni 1996-p kingorna pilersinneqartunut peqataasut tamakkiisumik akisussaasuusut ingerlatsinermut, aningaasaqarnermullu tamakkiisumik akisussaasuussuseqartussaapput.

Imm. 3. Kapitali 1, 2 aamma 7 aamma §§ 15 f-15 h-mi malittarisassat saniatigut, aalajangersagaq inunni kisimiillutik suliffeqarfimmik ingerlatsisunut, piginneqatigiittunut, isertitaannarminnillu ingerlatsisunut atuutinngilaq. Inunni kisimiillutik suliffeqarfimmik ingerlatsisunut, piginneqatigiittunut, suliffeqarfinnilu isertitaannarminnik ingerlasunut, Inuussutissarsiornermut aqutsisoqarfiup it-system-iani allassimasuutinneqarneri nalunaarutigineqassapput, kapitali 1 a, 4 aamma 7 a aamma §§ 18 a aamma 21, assigisaanik suliffeqarfinni taamaattuni atuuffeqarpoq, suliffeqarfiullu akiitsuinut tamanut killeqanngitsumik suleqataasutut piginneqatigiit tamarmik imaappata

- 1) aktiaatileqatigiit, piginneqataassusillit, peqatigiillutik suliffeqarfiutillit (kommanditaktieselskaber) imaluunniit suliffeqarfiit assigisaanik pisinnaatitaaffillit, imaluunniit
- 2) suliffeqarfiit arlalinnit pigineqartut, imaluunniit kommandiselskab-it,
- 3) suliffeqarfiit piginneqatigiiffiusut imaluunniit piginneqatigiittut akiliuteqarsimanermikkut inatsisitigut akisussaaffillit, pisussaaffillilluunniit, tamarmik nr. 1-mut ilaatinneqarput.

Imm. 4. Suliffeqarfinnut taamaattunut paasissutissat suut nalunaarsorneqassanersut Inuussutissarsiornermut aqutsisoqarfimmiit malittarisassanik atuutilersitsisoqarsinnaavoq, tak. imm. 3.

§ 3. Suliffeqarfik killilimmik akisussaaffigineqartoq, aalajangersakkami tassani, suliffeqarfik piginneqatigiiffiusutut (piginneqatigiilluni peqatigiiffik)-tut paasineqassaaq, imaluunniit peqatigiiffik killilimmik akisussaaffilik, peqataasunit killilersugaanngitsumik assigiimmillu suleqatigiiffiusumik tamanit inuttut inatsisitigut pisussaaffigineqanngitsoq. Tamatuma saniatigut piumasaqaataavoq, suliffeqarfimmi minnerpaamik marlunnik peqataasoqarnissaa, avitseqatigiinnikkut peqataasut amerlassuseqarnissaannik periarfissalik, aningaasatigut, isumaginninnikkullu kapital-ip annertussusaatigut

pinngitsumik. *Imm. 2.* Suliffeqarfinnut killilimmik akisussaaffilinnut atuutilinnginnerinni pilersinnerinut tamatumunnga aalajangersakkamik atuutilersinneqartut, peqatigiiffiit killilimmik akisussaaffillit, assigisaanik aalajangersakkap malittarisassai pisariaqartumik naleqqussakkat piupput.

§ 4. Suliffeqarfimmi piginneqatigiiffiusumi (peqatigiiffik piginneqatigiiffiusoq) aalajangersakkami tassani ima paasineqassaaq, § 2, imm. 1 imaluunniit imm. 2, imaluunniit § 3, suliffeqarfimmik tiguisutut, tuniniaasutut, allatulluunniit assigisaanik soqutigisaqaqatigiittut peqataanermikkut siuarsaaneq siunertarineqarpat, suliffeqarfiullu iluanaarutai, piginneqataaffiunikkut akiliutigisat, ilaasortaniit nalinginnarmik niueqatigiinnikkut aningaasaleeqataassutit saniatigut, kaaviiartitanut tunngatillugu akunnerminni agguarneqassanersut, suliffeqarfimmiluunniit uninngasuutigineqassanersut.

§ 4 a. Aalajangersakkami tassani ima paasineqassaaq:

- 1) *Angerlarsimaffigisaq*: Suliffeqarfimmut attavigisinnaasaq, Kalaallit nunaanni najugarisaq.
- 2) *Aqutsisut*: Siulersuisuni ilaasortat, aqutsisoqarfik, assigisaanilluunniit aqutsisuusoq.
- 3) *Suliffeqarfiup uppersnarsaatit pappialai*: Uppersnarsaatit, pappialalluunniit ilanngussat, suliffeqarfimmi killilimmik akisussaaffilimmi, piginneqataassutsiminik killilimmik pisussaaffilik (kommandit-selskab), imaluunniit aalajangersagaq taanna naapertorlugu, malittarisassalluunniit atuutsinneqartut malillugit piginneqatigiittut pisussaaffilik, aalajangersagaq taanna naapertorlugu, tamatumunngaluunniit malittarisassat atuutsinneqartut malillugit pisussaaffeqartoq.

§ 5. Aalajangersagaq makkununga atuutinngilaq

- 1) kommuunimi siulittaasut, nunaqarfinnilu siulittaasut il.il. inatsisartut inatsisaani, § 65 naapertorlugu suliffeqarfiit akuerisaasut,
- 2) suliffeqarfiit, imaani inatsimmi piginneqataaffinnut malittarisassani ilaatinneqartut, Kalaallit nunaanni kunngip aalajangersagaatigut atuutilersinneqartut, aamma
- 3) Aningaasaqarnermut nakkutilliisoqarfimmiit nakkutigineqartut, assigisaanilluunniit EF-ip iluani imaluunniit nunani Ataatsimoorussamik suleqatigiissusiornermut isumaqatigiissusioqatigisamiit suliffeqarfiit nakkutilliivigineqartut

Imm. 2. Suliffeqarfik, suliffeqarfiilluunniit immikkuullarissut, tamakkiisumik ilaannaanilluunniit aalajangersakkami pinngitsuuineqarneq Inuussutissarsiornermut aqutsisoqarfimmiit aalajangerneqarsinnaavoq. Aatsaat Kalaallit nunaanni namminersornerusuniit oqaaseqaateqartoqareerpat, tamatumunnga aalajangiussineqassaaq.

Kapitali 1 a

Attaveqatigiinneq

§ 5 a. Inuussutissarsiornermut aqutsisoqarfimmiit allaganngorlugu attaveqatigiinnermut isumaqatigiissusiamut malittarisassat atuutilerneqarsinnaapput, aalajangersakkami tassani ilaatinneqartut, imaluunniit aalajangersagaq taanna malillugu malittarisassat qarasaasiakkut pissapput.

Imm. 2 Qarasaasiakkut attaveqatigiinnermut malittarisassat, Inuussutissarsiornermut aqutsisoqarfimmiit atuutilersinneqarsinnaapput, takuneqarsinnaasumi it-system-it aalajangersimasut atorlugit, immikkut

qarasaasiakkut sananeqartut, qarasaasiakkullu atsiorderit assigisaallu.

Imm. 3. Nalunaaruteqartup najugarisaanut apuussimappat, qarasaasiakkut nalunaarut apuussimasutut isigineqassaaq.

§ 5 b. Inuussutissarsiornermut aqutsisoqarfimmiit malittarisassanik atuutilersitsisoqarsinnaavoq, aalajangersagaq taanna malillugu, imaluunniit aalajangersagaq taanna malillugu atsiorderitaqanngitsumik, aqutsisoqarfimmiit aalajangiussamik, allanillu uppersarsaatinik maskiina atorlugu, assigisaanilluunniit atsiorderikkut aalajangiussamik, uppersarsaammilluunniit atuutilersitsisup kinaassusaanik teknikkikkut uppersarsaanikkut qulakkeerinnittumik atuutilersinneqarsinnaavoq. Aalajangiussat, uppersarsaatillu taamaattut immikkoortinneqassapput, aalajangiussat, uppersarsaatillu inummit namminermit atsiorderillit.

Imm. 2. Aalajangiussat, allallu uppersarsaatit, aalajangiussalluunniit atuutilersinneqarnerini data-kkuinnaq elektroniskimik suliarineqartut, Inuussutissarsiornermi aqutsisoqarfimmiit malittarisassanik atuutilersitsisoqarsinnaavoq, Inuussutissarsiornermut aqutsisoqarfimmiit nassiunneqartutut taamaallaat atuutilersinneqarsinnaaneri nalunaarsorneqarnerisigut.

§ 5 c. Aalajangersagaq una malillugu, malittarisassalluunniit atuutsinneqartut naapertorlugit, aalajangersakkamik tassanga piumasaqaataasumik, uppersarsaat Inuussutissarsiornermi aqutsisoqarfiup saniatigut allaniit atuutsinneqartoq, ataatigut atsiugaassaaq, uppersarsaammik atuutilersitsisup uppersarsaataanik erseqqissumik qulakkeerneqartumik, piumasaqaat taanna teknikkikkut naammassineqarsinnaappat, tak. imm. 2. uppersarsaatinut taamaattunut naleqqiullugu, uppersarsaatinik inummit atsiukkamik peqassapput.

Imm. 2. Atsiordernermut piumasaqaat, Inuussutissarsiornermut aqutsisoqarfimmiit malittarisassanik saneqqutsisoqarsinnaavoq. Inuup nammineq atsiorderanik, uppersarsaatini assigiinngitsuni saneqqunneqarsinnaannginneranut piumasaqaat takuneqarsinnaasumi aalajangerneqarsinnaavoq.

Kapitali 2

Suliffeqarfiup taaguutaa, prokura-lu

§ 6. Aalajangersakkami tassani, suliffeqarfiup taaguutaatigut paasineqassaaq, ataani takuneqarsinnaasumi, suliffeqarfiup inuussutissarsiornermut ingerlatsinera, imaluunniit tamatuma ilaa, suliffeqarfimmullu atsiordernermut atorneqartumik.

Imm. 2. Suliffeqarfiit taaguutai, imminnut avissaangasumik ersarissuussapput. Suliffeqarfiup taaguutaa kinguaariit atiannik, ingerlatseqatigiiffiit, aningaasaateqarfiit- imaluunniit suliffeqarfiup taaguutaanik, illup pigisap taaguutaanik immikkuullarissumik, nioqqutissap taaguutaanik niuernermit ilisarnaammik, assigisaannillu suliffeqarfimmut iluaqutaanngitsumik, imaluunniit taamaaliorderikkut paarlaanneqarsinnaasumik immiunneqaqqusaanngillat.

Imm. 3. Suliffeqarfiup taaguutaa tammartajaartitsisutut nipeqassanngilaq. Suliffeqarfiup suliaanik, inuussutissarsiornermut suliamut atassuteqartumik nalunaarutigineqartunik imaqaassanngilaq. Atiliussaq inuussutissarsiornermut suliamut aalajangiunneqarsimappat, nuussutissarsiornermut suliat suussusai annertuumik allanngorpata, allanngortinneqarsinnaannginnera atorneqassanngilaq,

Imm. 4. Piginneqatigiinnikkut ingerlatseqatigiiffiit, ingerlateqatigiiffiit (kommandit-it), piginneqatigiiffiit (andelsselskab-it) (peqatigiiffiit piginneqatigiiffiit) taakkunani taaguutit, naalisarneriluunniit atorneqassanngillat. Kikkuugaluarpataluunniit taaguutit tamakkua atorneqassanngillat, taaguutilluunniit allamut paarlaanneqarsinnaasut.

Imm. 5. Suliffeqarfimmi akisussaasutut peqataasumik anisoqarpat, pineqartup aqqanik suliffeqarfik attassiinnarsinnaavoq, pineqartumiit kingorngussisuniilluunniit tamanna akuerineqarpat.

Imm. 6. Suliffeqarfiup killilimmik akisussaaffeqartup taaguutaa, akisussaaffimmut killigititamut paasissutissanik imaqaasaaq. »A. M. B. A.« kisiat atorneqarsinnaavoq, piginneqataasup killilimmik akisussaaffeqartup naalisarnera.

Imm. 7. Assigisaanik suliffeqarfiup atiisa ilaattut atorneqarsinnaaneritut aalajangersakkat imm. 1-6-mi piupput.

Imm. 8. Nunanit allameersut suliffeqarfiutaata immikkoortortaa, aterisaani oqaaseq »immikkoortortaq« immiunneqarsimassaaq, ersarissumillu suliffeqarfiup nunani assigiinngitsumeersuunera nalunaarutigineqarsimassaaq.

Imm. 9. Suliffeqarfinni allakkani, niueruteqarnermullu-pappialaatin allani, takuneqarsinnaasumi, elektroniskikkut nalunaarutit, suliffeqarfiullu quppersagaani, ateq/taaguut, najugaq, CVR-nr.-lu allaqqassapput.

§ 7. Pisinnaatitsissut taamaallaat nalunaarutigineqarsinnaavoq, tamakkiisumik akisussaasutut peqataasumit/nit, imaluunniit aqutsisuusumiit/niit, tamatumunnga suliffeqarfiup ileqqoreqqusaanik pisinnaatitsisumik. Pisinnaatitsissut tassaavoq, sutigut tamatigut suliffeqarfimmi ingerlatsinermut tunngasunik iliuuserisaanut pisinnaatitsissut, suliffeqarfiullu pisussaaffigisassaanik. Pisinnaatitaasorli ersarissumik pisinnaatitaatinneqartinnani, suliffeqarfiup illuutaanik tunniusseqqusaananilu, taarsigassarsiamut sallunaveeqqusiissanngilaq.

Imm. 2. Inunnut arlalinnut pisinnaatitsissut tunniunneqarsinnaavoq, peqatigiiffinni taakkunaniinnaq atorneqartussatut (ataatsimoorluni pisinnaatitsissut).

Imm. 3. Pisinnaatitsissut inuit pingajuanut atuuffeqarnera killilersorneqarsinnaanngilaq, tak. imm. 2.

Imm. 4. Pisinnaatitaasoq pisinnaatitsisumut allamut nuussisinnaanngilaq.

Imm. 5. Pisinnaatitsissut sukkullunniit uterteqquneqarsinnaavoq. Pisinnaatitsisup toqukkut qimagunneratigut, pisinnaatitsissut taamaatinneqarsinnaanngilaq.

Kapitali 3

Inatsisitigut Pisinnaassuseqartutut allattorsimaneq

§ 8.

Suliffeqarfiit killilimmik akisussaaffillit, tak. § 3, Siulersuisuniit, aqutsisuniit, assigisaanilluunniit aqutsisutut inissisimasuniit, Inuussutissarsiornermut aqutsisoqarnermut allattorsimaneq nalunaarutigineqassaaq.

Imm. 2. Nunanit allaneersut suliffeqarfiit immikkoortortai, killilimmik akisussaaffillit, immikkoortortat

siulersuisuinnut allattorsimaneq nalunaarutigineqassaaq.

§ 9. Suliffeqarfik killilimmik akisussaaffeqartoq, Inuussutissarsiornermut aqutsisoqarfimmi allattorsimasuutigineqanngitsoq, imaaliallaannaq inuussutissarsiornermut pisinnaatitaanngilaq, pisussaaffinnilluunniit pisinnaatinneqarani. Suliffeqarfik aamma eqqartuussivimmi suliani peqataatinneqarsinnaanngilaq, pilersitsinermut ujartuineq eqqaassanngikkaanni.

Imm. 2. Nalunaarsugaaneq sioqqullugu killilimmik akisussaaffilimmik suliffeqarfik sinnerlugu pisussaaffik, pisussaaffimmik tigumminnittunut pisussaaffiuvoq, imaluunniit tamatumunnga akisussaaqataavoq, inuttut, killeqanngitsumik, assigiimmillu pisussaaffeqarnikkut. Nalunaarsugaanermi, akisussaaffiit tamakkua suliffeqarfiup tigussavai.

Imm. 3. Suliffeqarfimmi, killilimmik akisussaaffilimmi, nalunaarsorneqarneq sioqqullugu isumaqatigiissusiorsimasumi, suliffeqarfiup nalunaarsugaannginneranik isumaqatigiissusioqataasumit nalunnginneqartumik, allatigut isumaqatigiissusiortoqarsimanngippat, isumaqatigiissusioqataasup isumaqatigiissusiaq taamaatissinnaavaa,

10, imm. 2-mi atuutsinneqartoq malillugu, periarfissarititaasup qaangiutinnginnerani, nalunaarsorneqarusunnginnermulluunniit, iliuseqarfigineqassaaq. Suliffeqarfiup nalunaarsugaannginneranik isumaqatigiissusioqataasimasoq sianigisaqanngippat, suliffeqarfiup nalunaarsugaannginneranik, taassumangga isumaqatigiissusiaq taamaatinneqarsinnaavoq.

Kapitali 4

Nalunaarsuineq, avammut saqqummiussineq, suliffeqarfiup uppersarsaataanik toqqortaateqarneq, piginnittunut nalunaarsuutit, piffissaliissutit, nakkutilliinerlu

Nalunaarsuineq, avammullu saqqummiussineq

§ 10. Aalajangersagaq taanna malillugu, nalunaarsuisussaatitaanermut paasissutissat, Inuussutissarsiornermut aqutsisoqarfiup it-system-iani, inatsisitigut atuutilersitsinermut aalajangiussaqarnermi, kingusinnerpaamik sapaatip akunneri 5-t kingorna tiguneqarsimasussaapput, aalajangersagaq taanna naapertorlugu, allatigut aalajangiussaqanngippat. Inuussutissarsiornermut aqutsisoqarfiup it-system-iani, nalunaaruteqartumiit nammineq nalunaarsuisimanngippat, Inuussutissarsiornermut aqutsisoqarfimmiit nalunaaruteqarneraniit, kingusinnerpaamik sapaatip akunneri 5-t kingorna inatsisitigut atuutilersitsinermi aalajangiussineqareernerani tiguneqareersimassaaq.

Pilersitsinermik nalunaarsuineq, nalunaarutiginninnerluunniit § 8 naapertorlugu, piffissarititaasup sapaatip akunneri 5-t iluini tiguneqanngippat, nalunaarsuineq pisinnaanngilaq.

Imm. 2. Nalunaarsuineqarsimannginneranut qulakkeerinnittussaaneq, nalunaaruteqarnerluunniit, Inuussutissarsiornermut aqutsisoqarfiimmuut nalunaarsuineq siunertaralugu, ingerlatitsivimmi aqutsisunit akisussaaffiuvoq.

Imm. 3. Imm. 1 aamma 2, Inuussutissarsiornermut aqutsisoqarfiup it-system-iatigut avammut saqqummiunneqartussat uppersaasat, nalunaarutilluunniit allat il.il. avammut saqqummiussinermut assigisaanik atuupput.

Imm. 4. Suliffeqarfik ileqqoreqqusanik sanassaaq, pilersitsinermut nalunaarsuinnermut nalunaarummut ilanngutassamik.

§ 11. Aalajangersakkami tassani ilaatinneqartumik, suliffeqarfimmi aqutsisooqataasut, Inuussutissarsiornermut aqutsisoqarfimmi nalunaarsorneqassapput. Assigisaanik, suliffeqarfimmi kina aningaasaqarnermut, inatsisitigullu akisussaannersoq nalunaarsorneqassaaq. Aammattaaq suliffeqarfiup atianut, najugaanut, kommuunerisaanut, siunertaanut, ukiumoortumillu naatsorsuutaanik paasisutissat immiunneqassapput.

Ukiumoortumik naatsorsuutitut inatsit naapertorlugu, suliffeqarfimmiit ukiumoortumik nalunaarsuineqassaaq, Kalaallit nunaanni, kunngip aalajangersagaatigut § 3, imm. 1, nr. 4-mi atuutilersinneqartumik, nalunaarsuivimmi kukkunersiuisup atia immiunneqassaaq.

Imm. 2. ukiumoortumik nalunaarusiornermut kukkunersiuisoq, ataatsimeersuarnermi toqqagaasumut tunngasumik nalunaaruteqarneq, allannguinerilluunniit, tak. ingerlatitseqatigiiffinnut inatsit, Kalaallit nunaanni, kunngip aalajangersagaatigut § 144-kkut atuutilersinneqartoq, Inuussutissarsiornermi aqutsisoqarfimmi nalunaarsorneqassaaq. Inuussutissarsiutip naannginnerani kukkunersiuisumik taarsiineqarpat, inuussutissarsiutip atorunnaarneranut peqqutaasoq, aqutsisuusuniit nassuiaat, nalunaarummut ilanngunneqassaaq.

§ 11 a. Aalajangersakkami ilaatinneqartumik kukkunersiuisumik, kukkunersiuisunilluunniit akuerisaasunik, suliffeqarfimmi ukiumoortumik naatsorsuutit aaqqissuussusamik, suliffeqarfiup ileqqoreqqusaanut, allatigulluunniit isumaqatigiissusiamut aalajangersakkat, suussutsinullu aalajangersimasunut taakkununga sinniisussat, imaluunniit kukkunersiuisuni allattorsimaffinni, imaluunniit kukkunersiuisoqarfiit atuutinngillat.

§ 11 b. Ilanngutassiaq 17, imm. 1, Europa-Parlamentip Siunnersuisooqatigiillu aalajangersagaatigut (EU) nr. 537/2014, apriliip 16.-ni 2014-meersumi, Kalaallit nunaanni, kunngip aalajangersagaatigut atuutilersinneqartoq piugaluartoq, kukkunersiuinermut inatsimmi § 1 a, imm. 1, nr. 3, litra a-mi ilaatinneqarsinnaavoq, Kalaallit nunaanni, kunngip aalajangersagaatigut atuutilersinneqartumi, tamanit soqutigineqartumik immikkut ittunut piumasaqaat, suliffeqarfimmi ataatsimeersuarnermi, kukkunersiuisoq taannaasoq toqqarneqarsinnaavoq, annerpaamik

1) Ukiuni 20-ni, EU-Parlamentip, Ataatsimiisitaliarsuullu aalajangersagaa (EU) nr. 537/2014, apriliip

- 16.-ni 2014-meersoq malillugu, neqeroorummut ingerlatseriaaseq naammassineqarsimappat, suliffeqarfinnut tamanut, tamanut ammasumik soqutiginnittunut, immikkut piumasaqaatinut, kukkunersiuusunut atorsinnaasumik, naaneraniit ukiunik 10-nik sivilissusilimmik, imaluunniit
- 2) ukiut 24-t, ukiunik 10-nik sivilissusilik naareersimasoq ataatsimeersuarnermi aammaartumik minnerpaamik kukkunersiuusumik ataatsimik toqqaasoqarpat, kukkunersiuinermik suliaqartussamik.

§ 12 Suliffeqarfiup aqutsisuinut suliffeqarfiup inatsisaa piuvoq, Kalaallit nunaanni, kunngip aalajangersagaatigut §§ 115, 117, aamma 118 atuutilersinneqarpoq, atuuffiani pisariaqartunut naleqqussagaasoq.

Imm. 2. Suliffeqarfimmi aqutsisooqqataasut, § 11 malillugu nalunaarsorneqartut, aqutsisooqqataasutut atuuffeqassapput.

§ 13. Aalajangersagaq taanna malillugu, Inuussutissarsiornermut aqutsisoqarfimmiit, nalunaarsugaasussaasunik nalunaaruteqarnermut, nalunaarsuinemullu malittarisassanik atuutilersitsisoqassaaq.

Imm. 2. Inuussutissarsiornermut aqutsisoqarfimmiit, nalunaarsuutini, uppersaatini, nalunaarutini il.il. aalajangersagaq taanna malillugu, aqutsisoqarfiup it-systemiani tamanut saqqummiunneqartussaasunik malittarisassanik atuutilersitsissaaq.

Imm. 3. Inuussutissarsiornermut aqutsisoqarfimmiit, aqutsisoqarfiup it-systemiani, avammut saqqummiunneqartussanik nalunaarsuinemut, allaganngorlugit anillatsitanut, kingusinaarlutik akiliiniartunut akiliisitsiniarnernut il.il. akiliutitut malittarisassanik atuutilersitsisoqarsinnaavoq,

Imm. 4. Nuannarineqarpallaarneq ajortunut, suliffeqarfinni inatsisitigut malittarisassat malillugit qullersaqarfimmut ukiumoortumik akiliummut, ikiuinemullu akiliinemut, Inuussutissarsiornermut aqutsisoqarfik malittarisassanik atuutilersitsisinnaavoq.

§ 14. Aalajangersakkami tassani ilaatinneqartumik, suliffeqarfinnut nalunaarutigineqartunut atatillugu nassinneqartartut, Inuussutissarsiornermut aqutsisoqarfimmiit, tamatumunnga uppersaatip qanoq oqaasertaqarnissaannut piumasaqaammut malittarisassanik atuutilersitsisoqarsinnaavoq.

Imm. 2.

Tamatuma saniatigut, imm. 1. malillugu akuerisaasumik, suliffeqarfimmut paasissutissanik, nammineq piumassutsimik nalunaarsuineq, avammullu saqqummiussineq Inuussutissarsiornermut aqutsisoqarfimmiit malittarisassanik atuutilersitsisoqarsinnaavoq, allatigullu Den Europæiske Union-ip pisortatigoortumik oqaasiisigut pisinnaanera akuerisaavoq.

Imm. 3. Qallunaatut allannilimmik pinngitsuugassaanngitsumik nalunaarutiginninnermi, avammullu saqqummiussinermi, uppersaatini, paasissutissanilu isumaqatigiinngissutigineqarnerini, tak. imm. 1, namminerlu piumassutsimik, tamatumunnga nutsikkamik avammut saqqummiunneqartumik, tak. imm. 2, suliffeqarfimmiit inuup pingajuatut nutserneqarnera atuutinngilaq. Akerlianik allagaq inuup pingajuata nammineq piumassutsiminik nammineq oqaasertalikkaminik nalunaarutiginnissinnaatitaanikkut, avammut suliffeqarfimmut pineqartumut saqqummiussinavaa, allattorsimaffimmi avammut saqqummiunneqarsimasoq. § 10, imm. 1-mi, nammineq piumassutsimik uppersaatit avammut

§ 15. Aalajangersagaq taanna naapertorlugu, suliffeqarfiit nalunaarsorneqartut, Inuussutissarsiornermut aqutsisoqarfimmiit nalunaarsorneqarput. Aalajangersagaq taanna malillugu, aqutsisoqarfiup nalunaarsuineranik it-system-mut nalunaarsuineqassaaq. Aalajangersagaq taanna naapertorlugu paasissutissat nalunaarsorneqartussat, suliffeqarfiullu uppersaatai, Inuussutissarsiornermut aqutsisoqarfimmut nassiunneqartussat, Suliffeqarfinnut nalunaarsuiviit Qitiusoqarfianut avammut saqqummiunneqassapput, allatigut atuutilersitsisoqarsimanngippat.

Imm. 2. Paasissutissat it-system-mi avammut saqqummiunneqartut, inuup pingajuanut tamakkuninnga suliaqartumut apuussimasutut isigineqassapput. 1. pkt. avammut saqqummiunneqareernerani kingusinnerpaamik ullut 16.-anni suliarineqartunut imaqarnilianut atuuffeqanngilaq, avammut saqqummiussat pillugit, inuup pingajuniit ilisimaneqannginnera uppersarneqarpat.

Imm. 3. it-system-kkut avammut saqqummiunneqartinnagit, nalunaarsorneqartussat, avammullu saqqummiunneqartussat, inuup pingajuanut atuutilersinneqarsinnaanngillat, taassumanga ilisimaneqannginneri uppersarneqarsinnaanngippata. Taamatut pisoqarnerani, sulii avammut saqqummiussineqannginneranik, inuup pingajuanut atuunnaa aporfeqassanngilaq.

§ 15 a. Aalajangersagaq, suliffeqarfiulluunniit ileqqoreqqusai, imaluunniit aalajangiussaq nalunaarsorneqarneratigut, ileqqoreqqusatigulluunniit ingerlannginnera tunngaveqarpat, atuutsinneqartut naapertorlugit, aalajangersakkap, malittarisassap taassuma akerlerisaanik, nalunaarsuerusuttoqartillugu, taamaaliortoqartussaannngilaq.

Imm. 2. Pissutsinik nalunaarsukkanik, nalunaarutiginninnermilluunniit, Inuussutissarsiornermut aqutsisoqarfimmut nassiussisoq, suliffeqarfiup ileqqoreqqusaanut akerliusunik nalunaarsorneqartut, nalunaarutigineqartulluunniit akisussaaffigissavai, takuneqarsinnaasumi, pisinnaatitsissutip ilumuussusaa, nalunaarutiginninnermullu atatillugu uppersaatip atuunnaa.

§ 15 b. Aalajangersagaq taannaa naapertorlugu, inuit aqqinik nalunaarsukkanut paasissutissanik Suliffeqarfiup Qitiusoqarfianut sukkulluunniit avammut saqqummiussineq, allatigut Inuussutissarsiornermut aqutsisoqarfimmiit aalajangiussaqanngippat. Tamanna suliffeqarfinnut ingerlasunut, unissimasunut, piiarsimasunullu atuuppoq.

Imm. 2. Suliffeqarfinni Qitiusoqarfimmi nalunaarsukkat, aalajangersagaq taanna naapertorlugu, inuit najugaannut paasissutissat avammut saqqummiunneqassapput, Suliffeqarfinni Qitiusoqarfiup nalunaarsuiffiani nalunaarsorneqartutut, ukiut 5-t ingerlareernerisa tungaannut, inuup suliffeqarfinni sulisutut taamaatissimaneraniit nalunaarsugaassaaq. Tamanna suliffeqarfinni ingerlasuni, taamaatissimasuni, piiarsimasunilu atuuppoq.

Imm. 3. Suliffeqarfinnut inunnik nalunaarsuinnermut Qitiusoqarfimmi, inuit, atinik- najugaanillu illersuinnermi, inuit nalunaarsugaasut, Inunnik nalunaarsuinnermut Qitiusoqarfimmi illersugaaneq tamaat Suliffeqarfinni nalunaarsuinnermi Qitiusoqarfimmi, najugaq avammut saqqummiunneqannginnissaa atuuppoq, allatigut inummiit Inuussutissarsiornermut aqutsisoqarfimmiit, najukkap illersugaanissaa Suliffeqarfinni nalunaarsuinnermut Qitiusoqarfimmiit najukkap illersugaannginnissaa

Imm. 4. Inunnut cpr-normoqanngitsunut Suliffeqarfinnut nalunaarsuinnermut Qitiusoqarfimmi, najukkamik illersuinnermut Inuussutissarsiornermut aqutsisoqarfimmiit noqqaassutigineqarsinnaavoq.

Imm. 5. Inuussutissarsiornermut aqutsisoqarfimmiit, najukkamik illersuinnermut, inunnilu inuup normoqanngitsunut illersuinikkut ingerlatitseqqiinnermut piumasaqaatit atuutilersinneqarsinnaapput, tak. imm. 4. *Imm. 6.* imm. 1-mi, 2-milu ilaatinneqartumi, inunnut paasissutissanik, paasissutissat kingulliit ilanngullugit takussutissiineq, tamakkiisumik peqataasunit akisussaaffiinit, piginnittunit, aqutseqataasunit taamaatittoqartillugu, Suliffeqarfiit nalunaarsuisarfiata Qitiusoqarfiani nalunaarsorneqartoq, suliffeqarfimmi suliaqartutut ukiuni 5-ni kingullerni, inuk pineqartoq taamaatissimappat.

Suliffeqarfiup uppersaataa-nik toqhortaatigineq

§ 15 c. ukiup naatsorsuiffiusup naalerneraniit, uppersaatinut tunngasut, ukiuni 5-ni suliffeqarfiup uppersaataasa tutsuiginartumi toqhortaatiginissai suliffeqarfiup aqutsisuniit isumagineqassapput. Suliffeqarfiup uppersaatai atuuttut nassaariuminartumik toqhortaatigineqassapput.

§ 15 d. Suliffeqarfiup uppersaataanut paasissutissanik piniarnermut pisinnaatitaasuniit, Kalaallit nunaanni pisorta-qarfinniit takuneqarsinnaaneritut ajornakusoortuunngitsumik, suliffeqarfiup uppersaatai toqhorsimatinneqassapput.

Imm. 2. Suliffeqarfiup uppersaatai elektroniskikkut toqhorsimasuutigineqanngippata, Kalaallit nunaanni pappialanngorlugit toqhorsimasuutigineqassapput.

§ 15 e. Suliffeqarfik unippat, nunguterneqarpalluunniit, kingulliullutik aqutsisutut nalunaarsorneqartuniit isumagineqassaaq, suliffeqarfiup uppersaataasa, aalajangersakkamik tassannga suli naapertuuttueneri. Pigisanik agguaassisarnermut eqqartuussivikkut suliffeqarfik unitsinneqarpat, pigisanik agguaassisarnermut eqqartuussivimmiit aalajangerneqarsinnaavoq, kingulliullutik aqutsisutut nalunaarsorneqartut saniatigut aqutsisuniit allaniit suliffeqarfiup uppersaatai toqhortaatigissagaat.

Imm. 2. Allatigut pisuni, aqutsisuusut taamaatippata, aqutsisup taamaatinnerani, aalajangersagaq taanna naapertorlugu, taamaatinneranut piffissap tungaanut suliffeqarfiup uppersaataasa toqhoqqatinneqaannarneri aqutsisooqataasup isumagissavai. Aqutsisumut tunuartumut, aqutsisutut taarsiuttumit nutaamiit, aqutsisooqataasuniit suliffeqarfiup uppersaatai aqutsisunut nutaanut tunniunneqassapput.

Piginnittunik nalunaarsuineq

§ 15 f. Kalaallit nunaanni, kunngip aalajangersagaatigut, suliffeqarfimmut inatsimmi §§ 55, 56 aamma 58-mi malittarisassanik, Inuussutissarsiornermut aqutsisoqarfimmiit atuutilersitsisoqarsinnaavoq, aalajangersakkami tassani ilaatinneqartumik, suliffeqarfinnut suussutsinut assigiinngitsunut pisariaqartumik naleqqussarneqarsinnaanerisigut, assigisaanik atuuffeqassapput.

§ 15 g. suliffeqarfik aalajangersakkami tassani ilaatinneqartoq, kisermaassilluni suliffeqarfiit saniatigut, suliffeqarfiup paasissutissai pissarsiarineqassapput, suliffeqarfiup piginnittuiniit paasissutissat, takuneqarsinnaasumi, piginnittuiit pisinnaatitaaffiit paasissutissat.

Imm. 2. toqqaannartumik, toqqaannangitsumilluunniit kinaluunniit suliffeqarfimmik piginnittuusoq, suliffeqarfimmilluunniit nakkutilliisoq, suliffeqarfiup noqqaassuteqarneratigut, paasissutissanik piginnittunut tunngasunik isumaginnessaaq, tamanna suliffeqarfiup suussusersineqarneranut pingaaruteqarpoq, suliffeqarfimmik piginnittuinnik kinaassusersiinnermut paasissutissat, takuneqarsinnaasumi piginnittuiit pisussaaffiitut paasissutissat.

Imm. 3. suliffeqarfiup piginnittuiviitut paasissutissat nalunaarsorneqassapput, takuneqarsinnaasumi, piginnittuiit pisinnaatitaaffiitut paasissutissat, suliffeqarfimmik ilisimasaqalersinneqarnermigut, inuup piginnittuiuneranik, sapinngisamik tuaviortumik Inuussutissarsiornermut aqutsisoqarfiup it-system-ianut ikkunneqassaaq. Piginnittuiit nalunaarsorneqartut paasissutissartaasa allannguutai tamaasa sapinngisamik tuaviortumik nalunaarsorneqassapput, suliffeqarfiup allanngornera ilisimaneqalerniariartoq. Ulluinnarni suliffeqarfimmi aqutsisooqataasut nalunaarsorneqartut, tak. § 11, imm. 1, Inuussutissarsiornermi aqutsisoqarfiup it-systemiani, piginnittuiusutut isigineqarlutillu nalunaarsorneqassapput, suliffeqarfik suussutsikkut sutigut tamatigut periarfissanik imaarneqarsimappat, kingornalu piginnittuinnik peqarnani, piginnittuiillu nalunaarsorneqarsinnaanatik, imaluunniit piginnittuinnik nalunaarsuineqarsinnaanani. Suliffeqarfimmi aqutsisut nalunaaarsugaanermut pisussaaffeqanngippata, tak. § 11, imm. 1, suliffeqarfimmi ulluinnarni aqutsisooqataasut nalunaarsorneqassapput, atuuffia malittarisassani 3. pkt.-ppat.

Imm. 4. Minnerpaamik ukiumut ataasiartumik, suliffeqarfik misissorneqartassaaq, piginnittuinnut paasissutissanik allanngortoqarsimaneranik nalunaarsuinnermut. Ukiumoortumik misissuinnermut innernera pillugu ataatsimiinnermi, aqutsisuniit ukiumoortumik nalunaarusiaq, assigisaalu saqqummiunneqassapput.

Imm. 5. Suliffeqarfiup piginnittuiniut paasissutissanut uppersarsaatit pissarsiarineqartut, suliffeqarfiup piginnittuiisa taamaatinneriniit, ukiuni 5-ni tooqqorsimasuutigissavai. Aammattaaq piginnittuinnik kinaassusiliinnermut ujartuigaluarnermut, ukiut 5-t kingorna kinaassusiliinnermut misiliigaluarnerup naammassineqareernerani, suliffeqarfiup uppersarsaatinut paasissutissat pissarsiarineqartut tooqqorsimasuutigissavai.

Imm. 6. Suliffeqarfimmi piginnittuinnut paasissutissat, noqqaassutigineqarnerisigut, suliffeqarfimmiit tunniunneqassapput, takuneqarsinnaasumi, politiinut, unnerluussisussaatitaasumullu suliffeqarfimmiit, suliffeqarfiup piginnittuiisa kinaassusersinerinik ujartuigaluarneq. Aammattaaq paasissutissanik taaneqartunik tunniussinnermut noqqaassuteqaareernermi, suliffeqarfimmiit pisortanut piginnaatitaasunut tunniunneqassapput, takusaanermut- nakkutilliinnermullu paasissutissat pisortanit taakkunanit pisariaqartutut nalilerneqarpata.

Imm. 7. Politiinut, unnerluussisussaatitaasumut, pisortanullu piginnaatitaasunut allanut, akiliinertaqanngisumik, piginnittuinnut nalunaarsugaasunut paasissutissat ingerlatitseqqiisoqarsinnaavoq, tak. imm. 3, imaluunniit pissarsiarineqartoq, tak. imm. 6, EU-mi naalagaaffeqatigiinni pisortat piginnaatitaasut, aningaasaqarnermullu isertortumillu misissuisartut.

Imm. 8. Imm. 1-7 Piginneqataassutit imaluunniit (obligationer) akiitsunut uppersarsaatit, niuernermi naleqqussagaasut, assigisaanilluunniit niuernermi, EU-p eqqartuussivianut, assigisaanilluunniit nunani tamalaani standard-nut paasissutissiisussaatitaanermi tunniunneqartut, suliffeqarfinnut taamaattunut atuutinngilaq.

Imm. 9. Inuussutissarsiornermut aqutsisoqarfimmiit, imm. 1, 3 aamma 5 malillugu, paasissutissat nalunaarsorneqarnerinnut, takuneqarsinnaanerinnut, avammullu saqqummiunneqarnerinnut malittarisassanik atuutilersitsissaaq, takuneqarsinnaasumi, it-system-mi paasissutissanik qanoq ittunik, suliffeqarfik nalunaarsorneqassanersoq.

§ 15 h. piginnittuiusutut, inuilluunniit toqqaannartumik, toqqaannanngitsumillunniit

piginnittuusut, naammattumik ilaanik nakkutilliisuulluni piginnittoqataasoq, qinersisinnaatitaasorluunniit, imaluunniit atortut allat atorlugit nakkutilliisutut atuuffilik, suliffeqarfiit piginnittuusut saniatigut, naleqqussakkamik niuernermi piginneqataassuteqarpat, assigisaanilluunniit niuernermi, EU-eqqartuussivik, assigisaanilluunniit nunani tamalaani standard-it naapertorlugit paasissutissiisussaataitaasoq.

§ 15 i. Suliffeqarfimmik killilimmik akisussaaffeqarnikkut pilersitsinermi, piginneqataassuteqarnermi (interessentskab) imaluunniit killilimmik piginneqataanermi (kommanditselskab) kingusinnerpaamik suliffeqarfiup nalunaarsorneqarnera peqatigalugu, tak. § 10, suliffeqarfiup piginnittuivnut paasissutissat pissarsiarineqassapput, nalunaarsorneqarlutillu, takuneqarsinnaasumi, piginnittuiit pisinnaatitaaffinut paasissutissat.

§ 15 j. Suliffeqarfiit piginnittuinnut pissarsiarisassaannut, toqqorsimasuutitassaannut, nalunaarsugassaanullu paasissutissat, tak. § 15 g, inuit, suliffeqarfiillu isumagineqarnerannut noqqaassuteqareernermi, pinerlunnikkut aningaasarsianut inatsit naapertorlugu, Kalaallit nunaanni, kunngip aalajangersagaatigut atuutilersinneqartumi, pisisartunut ilisimanninnermut ingerlatseriaatsit, piginnittuunerinnullu paasissutissanut tunngasut naammassineqassapput.

Imm. 2. Kalaallit nunaanni, kunngip aalajangersagaatigut pilersinneqartumi, pinerlunnikkut aningaasarsianut inatsit naapertorlugu, suliffeqarfiup piginnittuivnut paasissutissat nalunaarsorneqartut naapertuutinnginnerinut, Inuussutissarsiornermut aqutsisoqarfik nalunaarutitik tigusaqarpat, Inuussutissarsiornermut aqutsisoqarfimmiit pissutsinik misissuineqassaaq, tak. § 15 g, imm. 5, aamma § 17 b. Inuussutissarsiornermut aqutsisoqarfimmiit, suliffeqarfimmut piffissarititaq atorlugu, pissutsit eqqortuunerinut piffissaliisinnaavoq.

Imm. 3. saniatigut Inuussutissarsiornermut aqutsisoqarfimmiit paasiniaasoqarsinnaavoq, tak. imm. 2, Inuussutissarsiornermut aqutsisoqarfiup it-system-ianut nalunaarut avammut saqqummiunneqarsinnaavoq. tamatuminnga avammut saqqummiussineq sioqqullugu, nalunaarut pillugu suliffeqarfik akerliunermut periarfissaqartinneqassaaq, nalunaarutigineqartumik avammut saqqummiussinerup siunertaanik asuliinnartitsineqaqquagu.

Piffissaliussat

§ 16. Iliuserisap nalunaarutigineqartup pismanera, ulluni, sapaatip akunnerini, qaammatini, ukiuniluunniit arlalinni suliarineqarsinnaallunilu, suliarineqartussaavoq, aalajangersakkami, najoqqutassaniluunniit, aalajangersagaq naapertorlugu atulersinneqartumik, pisimasoq nalunaarutigineqartoq, piffissarititaasumiit ulloq sioqqullugu, iliuseqarfigineqarnera suliarineqassaaq.

Imm. 2. Sapaatip akunnerata naanerani ullormi nalliuttumi, inatsisitaarfimmi, juullip ulluini, ukiortaamiluunniit, piffissarititaasoq naappat, taava taakkunani kingusinnerpaamik ulluinnaq kingulleq iliuuseqarfigineqassaaq.

Imm. 3. Pisimasup nalunaarutigineqartup, aalajangersakkami, najoqqutassaniluunniit, aalajangersagaq naapertorlugu atulersitaasumik, iliuuseqarnek, aalajangiussinerluunniit, siusinnerpaamik ullut, sapaatip akunneri, qaammatit, ukiulluunniit amerlassutsit aalajangersimasut, pisup nalunaarutigineqartup pineraniit suliarineqarsinnaavoq, iliuuseqarfigineranut, aalajangiussinermulluunniit suliarineqarnissaanut piffissarititaasoq naatsorsorneqassaaq, pisup tamatuma aallartiffiata aqaguaniit. Ullup piffissaliussap naanerata kingorna, iliuuseqarnek, aalajangiussinerluunniit siusinnerpaamik suliarineqalersinnaavoq.

§ 16 a. aalajangersakkami, najoqqutassamiluunniit, najoqqutassaq naapertorlugu atulersitaasoq, iliuuseqarnek kingusinnerpaamik ullut, sapaatip akunneri, qaammatit, ukiulluunniit, pisup pisimanerani nalunaaruteqarnerup kingorna, pisup taassuma aqaguani, iliuuseqarnermut piffissaliussaq naatsorsorneqassaaq, tak. imm. 2-4.

Imm. 2. Piffissaliussaq, tak. imm. 1, sapaatip akunneri nalunaarutigineqarnermi pineqarpat, ulloq pisimasup piffiani, sapaatip akunnerata ulluani, iliuuseqarnermut piffissaliussaq naassaaq.

Imm. 3. Piffissaliussami, tak. imm. 1, qaammatit pineqarpata, ullormi pisimasup pinerani, qaammammi tassani iliuuseqarnermut piffissaliussaq naassaaq. Qaammatip naanerani ulloq kingulleq pisimasooq pisimappat, imaluunniit piffissaliussaq qaammatip ulluani piunngitsumi naappat, qaammatip ullui qassiugaluarpataluunniit, qaammatip ulluata kingullersaanni tamatigut piffissaliussaq naassaaq.

Imm. 4. Piffissaliussami, tak. imm. 1, ukiut eqqartorneqarpata, pisimasup pinerata ulluani, iliuuseqarnermut piffissaliussaq naassaaq.

Imm. 5. Sapaatip akunnerata naanerani piffissaliussaq naappat, ulluni nalliuttorsiorfinni, inatsisitaarfimmi, juullip ulluini, imaluunniit ukiutoqqami, kingusinnerpaamik iliuuseqarnek, ulluinnaangorfinni ullormi siullermi pissaaq.

Aalajangernerit atuutinngitsut

§ 17. Nalunaarsorneqarnek pineqartumut aseruisutut isumaqarfigineqarpat, eqqartuussivinni nalunaarsorneqarnermut apeqquut aalajangiivigineqassaaq.

Imm. 2. suliamut tamatumunnga Inuussutissarsiornermut aqutsisoqarfiup it-systemiani nalunaarsuinerup avammut saqqummiunneqarneraniit, kingusinnerpaamik qaammatit 6-t kingorna suliffeqarfimmut tunniunneqassaaq. Eqqartuussissutip allaganngorlugu anillatsinneranik Inuussutissarsiornermut aqutsisoqarfimmut nassiunneqassaaq, kingornalu Inuussutissarsiornermut aqutsisoqarfimmiit suliamut paasissutissat avammut saqqummiunneqassapput, aqutsisoqarfiup it-systemiani suliap inerneranik.

Nakkutilliineq

§ 17 a. Aalajangersaagaq taanna malillugu, aalajangersakkamik tassanga, malittarisassanillu nakkutilliinerup attanneqarnera, Inuussutissarsiornermut aqutsisoqarfimmiit nakkutigineqassaaq, takuneqarsinnaasumi, paasissutissanik, suliffeqarfiullu uppernarsaataanik nalunaarsuisitsisussaaneq, aalajangersakkamut tassunga

Imm. 2. digitalikkut tuaviortumik aalajangiivigisassat, assammilluunniit suliarineqartumik sulianik suliaqarneq, Inuussutissarsiornermi aqutsisoqarfimmiit nalunaarsuinnermut nakkutilliinikkut suliarineqarsinnaasunik, nalunaarutitut suliat suliarineqarsinnaapput.

Imm. 3. Kingunerisaanik nalorninartunik, suliffeqarfinnut nalunaarsuutit naammassineqartut, Inuussutissarsiornermut aqutsisoqarfimmiit nakkutilliineqarsinnaapput.

Imm. 4. Nakkutilliineq sapinngisamik data-kkut, digital-ikkullu pissaaq, pingaartumik, nalunaarsuinnermut-nakkutilliinnermut, suliffeqarfinnillu toqqaanermut, inuillu kingunerisaanik nalorninartorsiortut nakkutiginerinut atatillugu

Imm. 5. Misiligititigut nakkutilliineqarneratigut, immikkut nakkutilliinnermi pisinnaavoq.

Imm. 6. Aqutsisoqarfiup suliaasa ilaattut, inatsit alla naapertorlugu, aalajangersagaq taanna naapertorlugu, Inuussutissarsiornermut aqutsisoqarfimmiit nakkutilliineqarsinnaavoq. Pisortat allat, suliarisaannut inatsit naapertorlugu nakkutilliisuni, Inuussutissarsiornermut aqutsisoqarfiup nakkutilliinera, taakkua suleqatiginerisigut naammassineqarsinnaavoq.

§ 17 b.

Paasissutissat isummerfiginissaannut pingaaruteqartut, Inuussutissarsiornermut aqutsisoqarfimmiit piumasarineqarsinnaavoq, aalajangersagaq, suliffeqarfiullu ileqqoreqqusai naapertorlugit malittarisassat atuutsinneqartut malinneqarnerisut, takuneqarsinnaasumi, aqutsisooqataasut nalunaarsorneqartut, ilumut aqutsisutut suliaqarnerisut, takuneqarsinnaasumi, nalunaarutiginninnermut, nalunaarsuinnermulluunniit inatsisit malillugit pisimanerintut tunngatillugu, aningaasaqarnermut tunngasuni imaqarniliat. 1. pkt. malillugu uppersaatinik tunniussisoq, suliffeqarfiup namminersortuuneranut uppersaamma uppersarneqassaaq.

Imm. 2. Paasissutissat ilumoortuunerintut, immikkut pisuni, kukkuniisut, eqqartuussissuserisoq, allaluunniit suliamut suliaqarsinnaatitaasoq akuerisaasoq, taakkunani akuerisaasuniit uppersaata suliffeqarfimmiit pissarsiarineqassasoq, inuussutissarsiornermut aqutsisoqarfimmiit, aqutsinnermut tunngatillugu piumasaqaatinut paasissutissat imm. 1 malillugu piumasarineqarsinnaapput.

§ 17 c. Inuussutissarsiornermut aqutsisoqarfimmiit, nalunaarutigineqartut, nalunaarsorneqartulluunniit inatsisit malinneqarnerisa qularineqarneri ilisimaneqalerpata, pissutsit ersarissisinneqartinnagit § 10, imm. 1 malillugu, nalunaarsukkat pisinnaanginnerinik, aqutsisoqarfimmiit aalajangiussisoqarsinnaavoq.

Imm. 2. Nalunaartumiit, nalunaarsorneqarsinnaanginnerneq, tamatumunngalu peqqutaasoq allaganngorlugu nalunaarutigineqassaaq. Aammattaaq aqutsisoqarfiup aalajangiussaanut peqqutaasoq pillugu, Inuussutissarsiornermut aqutsisoqarfimmiit it-system-kkut avammut saqqummiussinnaavaa.

Imm. 3. Inuussutissarsiornermut aqutsisoqarfimmiit, taamatut pisoqarnerani imm. 1-mi ilaatinneqartumi, aqutsisut aqutsisutut taamaatinneri nalunaarsorsinnaavaat.

§ 17 d. Inummut nalunaarutigineqartumut, aalajangersagarluunniit taanna naapertorlugu nalunaarsorneqartumut paasissutissat amigaateqartutut Inuussutissarsiornermut aqutsisoqarfimmiit isigineqarpata, aqutsisoqarfimmiit pineqartup nalunaarsorneranik itigartissinnaavaa,

aqutsisoqarfiulluunniit pineqartup nalunaarsornera peersinnaavaa.

Imm. 2. Inuk atuutinngitsumik najugaqarfeqarpat, Inuussutissarsiornermut aqutsisoqarfimmiit pineqartup nalunaarsornera itigartitsissutigineqarsinnaavoq, aqutsisoqarfimmiilluunniit pineqartup nalunaarsugaanera peerneqarsinnaavoq.

Imm. 3. Aalajangersagaq taanna naapertorlugu, inuup nalunaarutigineqartup, nalunaarsugaasulluunniit kinaassusaanik nalornineq, Inuussutissarsiornermut aqutsisoqarfimmiit pineqartup kinaassusaanut, kinaassusaatalu nalunaarutigineqartut paasissutissartaasa uppersarsaammik piumasaqarfigineqarsinnaavoq. Pisariaqarpallu Inuussutissarsiornermut aqutsisoqarfimmiit piumasarineqarsinnaavoq, inuup kinaassutsiminik takutitsiniarluni, Inuussutissarsiornermut aqutsisoqarfimmut, allanulluunniit Inuussutissarsiornermut aqutsisoqarfimmiit kinaassusersineranut suliarineranut pisinnaatitaasumut, nammineq ornigussinnaavoq.

Imm. 4. Inuup kinaassusersineranut qulartoqartuarsinnarpat, Inuussutissarsiornermut aqutsisoqarfimmiit pineqartup nalunaarsorneqarnera itigartitsissutigisinnaavaa, aqutsisoqarfimmiilluunniit pineqartup nalunaarsugaanera peerneqarsinnaavoq, tak. imm. 1.

Imm. 5. Kinaassusersiinermit nalunaartumik kinaassusersineqanngittuarsinnarpat, nalunaarutiginnittumiit nalunaarutit nalunaarsorneri, Inuussutissarsiornermut aqutsisoqarfimmiit itigartinneqarsinnaapput.

§ 17 e.

Suliffeqarfiup angerlarsimaffiani nalunaarsorneqarfiani, Inuussutissarsiornermut aqutsisoqarfimmiit, naggataamik nakkutillineqarsinnaavoq, tak. § 4 a, nr. 1.

§ 17 f. Aqutsisooqataasoq ilumut aqutsisutut suliaqarnersoq qularineqarpat, tak. § 12, imm. 2, Inuussutissarsiornermut aqutsisoqarfimmiit pineqartup nalunaarsornera itigartinneqarsinnaavoq, aqutsisuniilluunniit pineqartup nalunaarsorneqarnera peerneqarsinnaavoq.

Nalunaarsukkanik nakkutillineq

§ 17 g. Nalunaarutit Inuussutissarsiornermut aqutsisoqarfimmiit, digital-kkut ingerlaannartumik aalajangiivigineqarsinnaapput, sulialluunniit suliarineqarneraniit peerneqarsinnaapput.

Imm. 2. Inuussutissarsiornermut aqutsisoqarfimmiit nalunaarutigineqartoq kukkuneqartutut, amigaateqartutulluunniit isigineqarpat, ataatsimeersuarnermi aalajangiussinikkut, suliffeqarfiulluunniit aqutsisuiniit aalajangiunneqartumik ikiorserneqarsinnaavoq, taava aqutsisoqarfimmiit iluarsiivigineqartussanik piffissaliussineqassaaq.

Imm. 3. Piffissaliussap aalajangiussap naannginnerani, iluarsiivigineqanngippata, nalunaarsuisoqarsinnaanngilaq.

Imm. 4. Nalunaarutiginnittoq allaganngorlugu nalunaarutisissaaq, nalunaarsorneqarnerup imm. 1 malillugu pisinnaannginneranik, tamatumunngalu pequtaasumik.

Malitsigisaanik nakkutillineq

§ 17 h. Nalunaarsugaanermiit, ukiut 5-t angullugit, Inuussutissarsiornermut aqutsisoqarfimmiit piumasarineqarsinnaavoq, inatsisit malillugit nalunaarsuineqarsimanersoq.

Imm. 2. Paasissutissat eqqunngitsuunerinik nalunaarsuineqarsimaneranik, Inuussutissarsiornermut aqutsisoqarfimmiit isigineqarpat, aqutsisoqarfimmiit allaffissornikkut naqqiineqarsinnaavoq.

Nakkutilliinermut sulianik avammut saqqummiussineq

§ 17 i. §§ 17 g aamma 17 h malillugu siunertaqarluartutut, avammut saqqummiussineqartutut, nakkutilliineq aallartinneqartutut, aallartinneqarsimasutulluunniit, aqutsisoqarfimmiit isumaqarfigineqarpat, Inuussutissarsiornermut aqutsisoqarfimmiit aallartinneqarsinnaavoq, aallartinneqarsimalluniluunniit. Aammattaaq Inuussutissarsiornermi aqutsisoqarfimmiit, nakkutilliinerup inernera avammut saqqummiunneqarsinnaavoq.

Imm. 2. Imm. 1 malillugu, avammut saqqummiussineq Inuussutissarsiornermut aqutsisoqarfiup quppersagaatigut pissaaq. Avammut saqqummiussinerup qanoq iliornikkuut pissanersoq, Inuussutissarsiornermut aqutsisoqarfimmiit aalajangerneqassaaq.

Imm. 3. Politiiniit misissuinermit sulianik tunniussinermut tunngasunik, Inuussutissarsiornermut aqutsisoqarfimmiit aalajangiussat, aqutsisoqarfiup quppersagaatigut avammut saqqummiunneqarsinnaapput. Ingerlatsiviup taaguutaa, inuilluunniit aalajangersagaq taanna naapertorlugu nalunaarsugaasussaatitaasut, avammut nalunaarutiniissinnaapput.

Imm. 4. Imm. 1-3 malillugu avammut saqqummiussineqarsinnaanngilaq, avammut saqqummiussineq, pillagaassutaasinnaasumik ingerlanneqartumik misissuisoqarnermut ajoqutaassappat, imaluunniit avammut saqqummiussineq annertuumik ajoqusiisinnaappat.

Kapitali 5

Aqutsisut, kukkunersiuisullu pisussaaffii

§ 18. Aalajangersakkami tassani suliffeqarfiit ilaatinneqartut, ukiumoortumik naatsorsuinernut inatsit naapertorlugu, Kalaallit nunaanni, kunngip aalajangersagaatigut atuutilersinneqartumik, ukiumoortumik nalunaarutilianik tunniussineqassaaq, aqutsisuni kukkunersiuisumut paasissutissanik tunniussissapput, suliffeqarfiup nalilernerqarneranut annertuumik isigineqartumik, aamma suliffeqarfik modervirksomhed-iuppat, koncern-iuppat.

Imm. 2. Pisariaqartutut isigineqarpat, aqutsisuniit kukkunersiuisoq misissuisinnaatitaassaaq, aamma kukkunersiuisumut paasissutissanik, ikiorsiinermillu tunissallugu isumagissavaat, kukkunersiuisumiit suliap naammassineranut pisariaqartutut isigineqartumik. Suliffeqarfimmi aqutsisut ukiumoortumik naatsorsuutitut inatsit naapertorlugu dattervirksomhed-iusoq, Kalaallit nunaanni, kunngip aalajangersagaatigut atuutilersinneqartumik assigisaanik modervirksomhed-ip kukkunersiuisuanut pisussaaffiuvoq.

§ 18a Suliffeqarfinni piginneqataasuni, akiitsoqartuni, pappialanilluunniit nalilinnik allanik tigumminnittuni, Kalaallit nunaanni naleqqussakkamik tuniniaanermi, nunamiluunniit aningaasaliinermut Union-mi isumaqatigiissusiorfigisami, suliffeqarfissuarnilu angisuuni, tak. imm. 2.

- 1) Aqutsisoqatigiinni qullersamiit qullersatut aqutsisutut appasinnerusumi inissisimasunut anguniakkap kisitsisaa saqqummiutissavaa, aamma
- 2) Aqutsisuni qitiusuniit suliffeqarfiup aqutsisuisa qaffasissusai malillugit, piginneqataaffiup anginerulernissaanut, politikissaminnik suliaqassaaq, tak. imm. 4-6.

Imm. 2. Suliffeqarfissuit tassaapput, ukiumoortumik naatsorsuusiormi, suliffeqarfiit imminnut 2-nnik piumasaqaatinik qaangiisut:

- 1) Naligiissaarinnermi aningaasat katillugit 156 mio. kr.
- 2) ukiumoortumik tunisassassiat, isertitallu kaaviiartitat 313 mio kr. aamma
- 3) tamakkiisumik sulisut amerlassusai agguaqatigiisillugu 250.

Imm. 3. Imm. 2-mi angissutsinik naatsorsuinnermi, ukiumoortumik naatsorsuinnermut inatsimmiippoq, Kalaallit nunaanni, kunngip aalajangersagaatigut § 7, imm. 3 aamma 4-mi atuutilersinneqartoq, tamatumunnga atuuffeqarpoq.

Imm. 4. Modervirksomhed-nut koncern-regnskabilerisartuni, kisitsisip anguniakkap anguniarnera naammappoq, politikkimillu malitassaminnik sananeq, tak. imm. 1, koncernimi ataatsimut isigalugu piussusamik.

Imm. 5. dattervirksomhed-ip koncern-iusup, angunigaq kisitsisinngorlugu pisariaqanngilaa, politikissaminnillu sanasariaqarnatik, tak. imm. 1, modervirksomhed-i koncernimut ataatsimoortillugit, kisitsimmik anguniakkamik, politikkimillu sanasimappat.

Imm. 6. Suliffeqarfinni, ukiumut naatsorsuinnermut kingullerpaani, sulisunik 50-niit ikinnerusunik sulisoqarsimasuni. Aqutsisuni qaffasissutsikkut suaassutsini ikinnerussutsit qaffannera apeqqutaatillugu politikissaminnik suliaqarneq pinngitsoorneqarsinnaavoq, tak. imm. 1, nr. 2.

§ 19. Kukkuersiuisoq toqqarneqartoq, kukkuersiuisussamik toqqaasumiit, kukkuersiuisoq atulersinneqarsinnaavoq. Peqqutissaqartinneqartumut peqqutaasumut tunngasumik, suliap naanerani, kukkuersiuisoq taamaallaat immikkoortinneqarsinnaavoq.

Imm. 2. Kukkuersiuisup sulinerata naannginnerani, kukkuersiuisoq soraarpat, kukkuersiuiinnerluunniit allatigut unippat, tamanna Inuussutissarsiormut aqutsisoqarfimmut piaarnerpaamik nalunaarutigineqassaaq. Sularinninneq suli naanngitsoq kukkuersiuisoq suliunnaarpat, sularisamik taamaatitsinnermut peqqutaasumik nassuiaatitaqarluartumik nalunaarutigisaaq ilaqartinneqassaaq.

Imm. 3. Suliffeqarfimmi kukkuersiuisunut inatsit ilaatinneqartoq, Kalaallit nunaanni, kunngip aalajangersagaani § 1 a, nr. 3-mi atuutilersinneqartumi, kukkuersiuisoq eqqartuussivitsigut immikkoortinneqarsinnaavoq, tamatumunnga atassuteqartumik suliaq peqquteqarpat. Tamatumunnga suliaq qinersinnermi, suliffeqarfimmiluunniit peqataasuniit, aallartitat 5 pct.-ianniit immikkoortinneqarsinnaavoq, Inuussutissarsiormullu aqutsisoqarfimmiit, kukkuersiuisunik, kukkuersiuisunullu suliffeqarfinni akuerisaasut, tak. kukkuersiuisunut inatsit, Kalaallit nunaanni, kunngip aalajangersagaatigut § 32-kkut atuutilersinneqartoq.

Imm. 4. Imm. 3 malillugu, suliaq suliffeqarfiup kukkuersiuisuanik immikkoortinneqartoq, suliffeqarfimmut aallaqqaataaniit sularineqassaaq aamma innuttaasunut eqqartuussisarnermut inatsisit ilusaannut

ingerlatinneqassaaq. Kukkunersiuisup immikkoortinneqarneragaanera, eqqartuussivikkut naggataarutaasumik kukkunersiuisup tunuarneranik malitseqassaaq. Peqatigisaanik immikkoortitsineq pillugu, Inuussutissarsiornermut aqutsisoqarfimmut kukkunersiusoq eqqartuussivimmiit nalunaarutigineqassaaq. Aqutsisoqarfimmiit eqqartuussissut tunuliaqutaralugu, kukkunersiuisup tunuartitaanera pillugu, aqutsisoqarfiup it-system-ianut ikkunneqassaaq.

Kapitali 5 a

Suliffeqarfinnik aningaasaliivigineqarsimasunik allanngortinneqartunik nakkutilliineq

§ 19 a. Kapitalimi tassani aalajangersakkat naapertorlugit, Inuussutissarsiornermut aqutsisoqarfimmiit aningaasaqarnermut suliffeqarfiit nakkutilliivigineqassapput, tak. § 1 a.

§ 19 b. Nakkutilliinermut pisortat akuerisaannik, ileqqoreqqusani allannguutit taamaallaat pisinnaapput.

Imm. 2. Ileqqoreqqusanik allannguinnut akuersissummut tunngatillugu, peqataasut pisinnaatitaaffiinnut akerliunngitsumik allannguisoqassannginnera, nakkutilliinermut pisortaniit nakkutigineqassaaq. Suliffeqarfinni aningaasaqarnermut suliffeqarfiit inatsisisaanni § 207, imm. 3, imaluunniit § 219-mi, Kalaallit nunaanni, kunngip aalajangersagaatigut atuutilersinneqartumi, ileqqoreqqusani allannguutit pisinnaanngillat, aalajangersakkanut taakkununga akerliusumik.

Imm. 3. Suliffeqarfiup siunertaanut, siaruarternernut tunngasuni najoqqutassat nalinginnaasut, aqutsisoqarfiup atuutilersissavai, taakkua nakkutilliinermut pisortanut, ileqqoreqqusaq ilanngullugu nassiunneqassapput. Najoqqutassani allannguisoqarpat, nammineq oqaasertalikkamik nutartigaq nakkutilliinermut pisortanut nassiunneqassaaq. Immikkuullarissumik pisussaaffinnik, iluaqutaasunilluunniit timikkut, inatsisitigulluunniit inunntut pisussaaffiliisoqartillugu, tamakkua ileqqoreqqusaniissapput.

Imm. 4. Suliffeqarfiit, aningaasaqarnermut suliffeqarfinnik pigisallit, ileqqoreqqusaminni, malittarisaliaminniluunniit, siulersuisunik qinersinermut, inissitsiterinermullu malittarisassat atulersissavaat.

§ 19 c. Ileqqoreqqusanik malinninnginnermik malitseqarsinnaasumik, immikkut ittumik imaqarnilianut suliffeqarfiup aqutsisuiniit suliaqarneq peqataanerluunniit, nakkutilliisuni pisortat akuersinerisigut taamaallaat pisinnaavoq.

§ 19 d. Suliffeqarfiup pisortaanut akissarsiarititaq, suliap suussusaa, suliallu annertussusaa, kiisalu suliffeqarfiup aningaasaqarnerata inissisimaneranut illersorneqarsinnaasutut isigineqartumut sipporneqassanngilaq.

§ 19 e. Nakkutilliisutut pisortat immikkut ataatsimeersuarnermut aggersaasinnaapput, imaluunniit katersuutsitsinermut, suliffeqarfiup oqartussaata qullersaaniit.

Imm. 2. Ataatsimeersuarneq, assigisaanilluunniit katersuutsitsineq, imm. 1 malillugu aggersaanerusoq, inummiit nakkutilliinermut oqartussaasumiit, tamatumunngalu pisussaatinneqartumiit aquunneqartumik. Suliffeqarfiup aqutsisui nakkutilliinermut pisortaasumut ileqqoreqqusaq malillugu, aggersaanermut atortussanik tunniussaqaarneq pisinnaavoq. Ataatsimeersuarnermiit protokol-i, kukkunersiuiinermullu protokol-i aamma tunniunneqassaaq. Aatsaat kukkunersiuisumiit imatut suliarineqarsimappat,

kukkunersiuinermut protokol-i tunniunneqassaaq.

Imm. 3. Ataatsimeersuarnermut, assigisaanilluunniit katersortitsinermut aningaasartuutit, nakkutilliinermut pisortaniit akilerneqassapput, kisianni suliffeqarfimmiit naggataarutaasumik ingerlanneqassaaq.

Imm. 4. Nakkutilliinermut pisortaniit aalajangiunneqarsinnaavoq, ataatsimeersuartitsineq, assigisaanilluunniit katersortitsineq, nakkutilliisutut pisortat angerlarsimaffiata kommuunianit ingerlanneqassaaq.

§ 19 f. Suliffeqarfiup naatsorsuutaanik misissuinermit tunngatillugu, suliffeqarfimmilu atukkani, naatsorsuinermit tunngasunut piumasaqaatit, kukkunersuiusumiit malinneqassapput, nakkutilliinermut pisortaniit piumasarineqartumik.

Imm. 2. aalajangersagaq taanna, tamatumunnga aalajangersakkat atuutsinneqarpata, imaluunniit suliffeqarfiup ileqqoreqqusai malinneqanngippata, pineqartorlu pingaaruteqanngitsumik unioqqutitsippat, taakkua malillugit immikkuullarissumik peqqutissaqanngitsumik kukkunersuisoq nakkutilliisutut pisortamut nalunaaruteqassanngilaq. Assigisaanik immiikkuullarissumik peqqutissaqartinneqanngitsumik, pissutsit pillugit, aqutsisut ilaanniit peqqutissaqartumik ilimagisaminik nalunaarutigisaanik, suliffeqarfimmut attuumassuteqartumik, suliffeqarfimmi peqataasunut, akiligassaqarfinnut, sulisunulluunniit iliuutsinik, pinngitsuukkanilluunniit, taarsiissuteqassutaasinnaasumik- imaluunniit pillagaanermut akisussaaffiliissutaasinnaasumik kukkunersuiusumiit sulinermit nalaani ilisimalikkamik nakkutilliisutut pisortamut nalunaaruteqartoqassaaq. Tamatigut makkunanga unioqqutitsinerit paasissutissiissutigineqartasapput

- 1) pinerluttulerinermut inatsisip kapitalia 23, kiisalu akileraarnermit- akitsuutinut- tapiissutinullu inatsit imaluunniit
- 2) naatsorsuutininik tunniussinermut inatsit, takuneqarsinnaasumi naatsorsuineq, naatsorsuusianillu toqqortaateqarnermit inatsit.

Imm. 3. Kukkunersiuinermut inatsit, Kalaallit nunaanni, kunngip aalajangersagaa § 1, imm. 2 aamma 3 naapertorlugu atuutilersitaasoq malillugu, uppersaatinik kukkunersuiusumiit tunniussinermut atatillugu, paasissutissanik imaluunniit oqaaseqaatinik pippat, suliffeqarfiup piumaffigineqarsinnaaneranik tikkuussisumik, kukkunersuisoq peqqutissaqartinneqanngitsumik tamatumunnga nalunaarummik nakkutilliisutut pisortaqarfimmut tunniussaqaassaaq.

§ 19 g. Kapitalimi tassani, suliffeqarfiulluunniit ileqqoreqqusaannut aalajangersakkanik unioqqutitsinermit, nakkutilliisutut pisortamiit suliffeqarfiup aqutsisui, aalajangersakkamik ileqqoreqqusanilluunniit naapertuinermit naalakkiussisinnaapput.

Imm. 2. Nakkutilliinermut pisortaqarfimmiit, suliffeqarfiup aqutsisua, kukkunersiuisualuunniit suliaminut atugassanik pisariaqartunik paasissutissanik piumaffigisinnaavaa.

Kapitali 6

Suliffeqarfinnik taamaatitsineq, nunguterinerluunniit

Suliffeqarfimmik killilimmik akisussaaffeqarfigisamik taamaatitsitsineq

§ 20. Suliffeqarfinni Killilimmik akisussaaffilinni taamaatitsineq ingerlatsinermut inatsimmi kapitali 14-mi atuuppoq, Kalaallit nunaanni, kunngip aalajangersagaatigut atuutilersitaasumik, suliffeqarfiup immikkuullarissusaatigut, pisariaqartumik nikinganeqartuni, tak. § 20 a.

§ 20 a. Suliffeqarfik killilimmik akisussaaffilik, suliffeqarfiup taamaatinneqarnissaanik, pigisanik agguaassisarnermut eqqartuussivik, pissutsini makkunani, Inuussutissarsiornermut aqutsisoqarfimmiit noqqaavigineqarsinnaavoq:

- 1) § 3-mik suliffeqarfik naammassinniiunnaartoq.
- 2) Ukiumoortumik naatsorsuutitut inatsit, Kalaallit nunaanni, kunngip aalajangersagaatigut atulersitaasoq malillugu, Inuussutissarsiornermut aqutsisoqarfimmiit piffissaq eqqorlugu, suliffeqarfiup ukiumoortumik nalunaarsuusiaanik, imaluunniit ukiumoortumik naatsorsuusiornermut inatsit naapertorlugu, tigusaqarsimannginnermut uppernarsaammik pinngitsoornermut.
- 3) Aalajangersakkami, suliffeqarfiulluunniit ileqqoreqqusaani, suliffeqarfiup aqutsisui, angerlarsimaffialuunniit nalunaarsorneqarsimanngitsoq.
- 4) Suliffeqarfimmiit piginnittuinnut paasissutissat nalunaarsorneqarsimanngitsut, imaluunniit suliffeqarfimmiit § 15 g naapertorlugu nalunaarsuineq amigartumik suliarineqarsimasoq.
- 5) Suliffeqarfiup piginnittuinnut paasissutissat uppernarsaataasa toqqorsimasuutigineqannginneri, imaluunniit § 15 g naapertorlugu, suliffeqarfiup amigartumik uppernarsaatit toqqorsimasuutigineri.
- 6) § 15 c naapertorlugu, suliffeqarfiup uppernarsatai, suliffeqarfimmiit toqqortaatineqanngitsut, imaluunniit amigartumik toqqortaatineqartut, uppernarsaatilluunniit amigaateqartut.
- 7) § 17 h, imm. 1 naapertorlugu, paasissutissat suliffeqarfimmiit nassiunneqanngitsut, suliffeqarfiulluunniit paasissutissartai nassiunneqartut amigaateqartut.
- 8) § 17 b, imm. 2 naapertorlugu, uppernarsaat, suliffeqarfimmiit pissarsiarineqarsimanngitsoq.
- 9) § 10, imm. 5, 2. pkt.²⁾ malillugu, Inuussutissarsiornermut aqutsisoqarfimmiit piffissaq eqqorlugu tiguneqarsimanngitsoq.
- 10) Kukkunersiuisoq suliffeqarfimmiit nalunaarutigineqarsimanngitsoq, naak, ukiumoortumik naatsorsuusiornermut inatsit malillugu, kukkunersiuisussaatitaaneq ilaatinneqaraluartoq, Kalaallit nunaanni, kunngip aalajangersagaatigut atuutilersitaasoq, imaluunniit inatsit alla malillugu.
- 11) Suliffeqarfimmiit kukkunersiuisoq nalunaarutigineqarsimanngitsoq, naak, ataatsimeersuarnermi, assigisaanilluunniit qullersatut oqartussaasumiit aalajangiivigineqarsimagaluartoq, suliffeqarfiup ukiumoortumik nalunaarsuusiaa misissorluarneqartussaasoq.

Imm. 2. Imm. 1 malillugu, Inuussutissarsiornermut aqutsisoqarfik piffissaliussamik atuutilersitsisinnaavoq, suliffeqarfiup amigaataanik ikiuisinnaanermut. Aqutsisoqarfimmiit atulersinneqartoq piffissaliussaq qaangiunnerani amigaataasumik ikiorsiisoqanngippat, aqutsisoqarfimmiit taamaatitsinermut pinngitsaaliisummik aalajangiivigineqarsinnaavoq.

Imm. 3. Aalajangersakkani ingerlatsivinnut inatsit, Kalaallit nunaanni, kunngip aalajangersagaatigut atuutsinneqartoq §§ 226-229 malillugu, pinngitsaaliisummik taamaatitsineq suliarineqassaaq, suliffeqarfiup immikkuullarissusaani nikinganeri pisariaqartut eqqarsaatigalugit.

Kommanditselskabe-nik, imaluunniit interessetskabe-nik nunguterineq

§ 21. Piginneqatigiilluni ingerlatseqatigiiffik imaluunniit isertitanik killilimmik pisussaaffilik (kommanditselskab), Inuussutissarsiornermut aqutsisoqarfimmiit nalunaarsugaaneri pisuni makkunani nunguterneqarsinnaapput:

- 1) Suliffeqarfimmiit nalunaarutigineqartoq, interessent-it ilaat kapitalselskabiujunnaarneranik nalunaarutiginnittoq, imaluunniit ingerlatsivik taassuma assigisaanik inatsisitigoortoq.
- 2) Piffissaq eqqorlugu, ukiumoortumik nalunaarutiliaq, imaluunniit ukiumoortumik naatsorsuutitut inatsit Kalaallit nunaanni, kunngip aalajangersagaatigut atulersitaasoq naapertorlugu, Inuussutissarsiornermut aqutsisoqarfimmiit tiguneqarsimanngitsoq.
- 3) Aalajangersakkami, imaluunniit suliffeqarfiup ileqqoreqqusaani aalajangersagaasumik, suliffeqarfik aqutsisoqanngitsoq, imaluunniit angerlarsimaffeqanngitsoq.
- 4) § 15 g naapertorlugu, piginnittuinnut paasissutissanik, suliffeqarfimmiit nalunaarsuisoqarsimanngitsoq, suliffeqarfimmiilluunniit amigartumik nalunaarsuineqarneq.
- 5) Suliffeqarfiup piginnittuinnut paasissutissanut uppersaatait, suliffeqarfimmiit toqqortaatigineqanngitsut, imaluunniit suliffeqarfimmiit § 15 g naapertorlugu amigartumik uppersaatinik toqqortaateqartut.
- 6) § 15 c naapertorlugu, suliffeqarfimmiit, suliffeqarfiup uppersaataanik toqqortaateqanngitsoq, imaluunniit amigartumik, toqqortaateqarneq, imaluunniit uppersaatait amigartut.
- 7) § 17 h, imm. 1 naapertorlugu, suliffeqarfimmiit paasissutissanik nassiussoqanngitsoq, imaluunniit suliffeqarfimmiit paasissutissanik amigartunik nassitsineq.
- 8) § 17 b, imm. 2 naapertorlugu, suliffeqarfimmiit uppersaammik pissarsisoqarsimanngitsoq.
- 9) Naak ukiumoortumik naatsorsuinermut inatsimmi, Kalaallit nunaanni, kunngip aalajangersagaatigut atuutilersinneqartumi, kukkunersiusumut pisussaaffik ilaagaluartoq, suliffeqarfimmiit kukkunersiuisoq nalunaarutigineqarsimanngitsoq.
- 10) Suliffeqarfimmiit kukkunersiuisoq nalunaarutigineqarsimanngitsoq, naak ataatsimeersuarnermi, assigisaanilluunniit oqartussaasuniit qullersaniit aalajangiunneqarnikuugaluartoq, suliffeqarfimmut ukiumoortumik nalunaarusiaq aaqissuunneqartassasoq.

Imm. 2. Imm. 1 malillugu, suliffeqarfiup amigaataanik ikiorsiinermut, Inuussutissarsiornermut aqutsisoqarfimmiit piffissaliussiisoqarsinnaavoq.

1. Aqutsisoqarfimmiit aalajangerneqartumik, amigaataasumik ikiorsiineqanngippat, kingusinnerpaamik

piffissaliussap naanerani, suliffeqarfiup nunguterneqarneranik aqutsisoqarfik aalajangiussaqsinnaavoq.

Imm. 3. nunguterneqareerneraniit nunguterneqarnermut pequtaasut piujunnaarsimasut erserpata, interessent-skab-ip, kommanditselskab-lluunniit, Inuussutissarsiornermut aqutsisoqarfik noqqaavigisinnaavaat, suliffeqarfiup nalunaarsugaaqqilernissaanik. Nalunaarsugaaqqilernermit piumasaqaataavoq, aqutsisumik, kukkuniisumillu qinersineq.

Imm. 4. Imm. 3 naapertorlugu nalunaarutigineqartoq tiguneqarsimanngippat, kingusinnerpaamik qaammatit 3-t kingorna, Inuussutissarsiornermut aqutsisoqarfimmiit nunguterneqassaaq, imaluunniit suliffeqarfimmiit ukiut 5-t kingulliit iluinni, siusinnerusukkut nunguterneqareersimappat, tak. imm. 1, nr. 2-10, nalunaarsugaaqqilerneq pisinnaanngilaq. Qaammatinik 3-nik piffissaliussaq atorunnaarsinneqassaaq, suliffeqarfimmi aaqqissuusseqqineqarpat.

Imm. 5. Suliffeqarfiit imm. 1-mi taaneqartut, Inuussutissarsiornermut aqutsisoqarfimmiit, nalunaarsorneqaqqinnermut malittarisassiivigineqsinnaapput.

Kapitali 6 a

Kattunneq avissaartuunnerlu

Kattunneq

§ 21 a. Suliffeqarfik killilimmik akisussaaffilik, aningaasatigut ajutuunngikkaluartoq, suliaanik unitsitsisoqsinnaavoq, suliffeqarfiup tamakkiisumik pigisaanik nalilinnik, akiitsuinillu suliffeqarfimmut allamut aalajangersakkami ilaatinneqartumi, killilimmik akisussaaffilimmut tunniussinikkut. Assigisaanik atuuppoq, suliffeqarfiit marluk, arlallilluunniit, killilimmik akisussaaffillit, suliffeqarfimmut nutaamut killilimmik akisussaaffilimmut kattutsitsineqaraangata. Ileqqoreqqusami allannguummi piumasaqaataasumik, kattunnermut aalajangiussaq, qinersinermi amerlassusaatigut aalajangiunneqassaaq.

Imm. 2. Aalajangersakkap taassuma atuutilernerata kingorna, kattunnermut atassuteqartumik, nutaanik killilimmik akisussaaffilinnik suliffeqarfinnik pilersitsisoqsinnaanngilaq.

Imm. 3. Kattunnermut aalajangersakkat, kapitali 15-mi suliffeqarfinnut inatsisini malittarisassani, Kalaallit nunaanni, kunngip aalajangersagaatigut atuutilersinneqartumi, ingerlatseqatigiiffinnut atuuttumi, atuuffia pisariaqartumik naleqqussakkanut atuuppoq.

Avissaartuunneq

§ 21 b. Suliffeqarfimmi peqataasuni amerlanerussuteqartunit, ileqqoreqqusamut allannguutinut piumasaqaataasumik, suliffeqarfiup killilimmik akisussaaffillip avinneqarneranik aalajangiunneqarsinnaavoq. Avinneqarnerani pigisat nalillit, tamakkiisumillu pisussaaffiit, killilimmik akisussaaffilinnut suliffeqarfinnut arlalinnut, nutaanulluunniit tunniunneqassapput, suliffeqarfiup suliffeqarfimmi peqataasuinut aningaasaliisunut akiliutitut, inatsimmi ilaatinneqartumi. Suliffeqarfiup peqataasui, assigiimmik amerlassutsikkut avinneqarnermut aalajangiussaq toqqarneqarsinnaavoq, suliffeqarfik killilimmik akisussaaffilik, suliffeqarfimmut ataatsimut arlalinnulluunniit, arlalinnik, nutaanilluunniit killilimmik akisussaaffilinnut suliffeqarfinnut pigisaminik nalilinnik, pisussaaffimminilu

Imm. 2. Avinneqarnermut tunngassuteqartumik, aalajangersakkap atuutilersinneqarnera malillugu, suliffeqarfinnik killilimmik akisussaaffilinnik, nutaanik pilersitsisoqarsinnaanngilaq.

Imm. 3. Ingerlatitsivinnut inatsisit malittarisassaanni kapitali 15-miittuni, avinneqarnermut aalajangersakkani, Kalaallit nunaanni, kunngip aalajangersagaatigut atuutilersinneqartumi, ingerlatseqatigiinnut atuuttumi pisarialimmik nalequssakkanut atuuffia piuvoq.

Imm. 4. Suliffeqarfinniit killilimmik akisussaaffilimmiit, avinneqarnermi peqataasumiit akiligassa qarfigineqartumut naammassiivigineqanngitsumut, suliffeqarfinni peqataasut sinneriniit tamaniit pisussaaffinnik assigiimmik suleqatigiissutigineqarnerisigut pisussaatinneqassapput, piffissami avinneqarnerup nalaani avammut nalunaarutigineqarnerani, aningaasat annertussusaasa qaffasinneraanik, piffissami tassani suliffeqarfiup pigisaanik nalilinnik tamanik sinneruttunik akiliisinneqassapput.

Kapitali 7

Pineqaatissiissutit il.il.

§ 22. Piffissaq eqqorlugu, aqutsisumiit, qullersaqarfinniit, assigisaanilluunniit aqutsisumiit, pisussaaffinnik tamakkuninnga naammassinniingippata, aalajangersagaq imaluunniit aalajangersakkani, najoqqutassaq naapertorlugu atulersitaasumi, akiitsunik akiliisitsineq, Inuussutissarsiornermut aqutsisoqarfinniippoq, aqutsisoqarfiup pineqartut pinngitsaaliissummik pisussaaffilissallugit, ullormut, sapaatip akunnikkaartumilluunniit akiliisitsisarnikkut.

§ 23. § 2, imm. 3, 2. pkt., § 6, imm. 3, imm. 4, 2. pkt., aamma imm. 6-8, § 8, § 10, imm. 1, 4 og 5,³⁾ §§ 11, 12, 15 a aamma 15 c, § 15 g, imm. 3-6, § 18 a, imm. 1, nr. 1, § 19 c aamma § 19 d-mik unioqqutitsineq, akiliisitaanermik eqqartuussissutaasinnaavoq. § 19 g malillugu, naalakkiutaasoq malinneqanngippat, akiliisitaanermik eqqartuussissutigineqarsinnaavoq.

Imm. 2. Aalajangersarneqartuni, najoqqutassaq naapertorlugu naammassineqartut, aalajangersakkani aalajangersarneqartunik unioqqutitsinermut pineqaatissinneqarneq atuutilersinneqarsinnaavoq.

Imm. 3. aktie- imaluunniit anparts-selskab-i, andelsselskab-i, peqatigiiffik, aningaasaateqarfik, imaluunniit assigisaanik (inuit inatsisitigoortut), ingerlatseqatigiiffik, peqatigiiffik, aningaasaateqarfik il.il. pinerluttulerinermut inatsit malillugu, ingerlatseqatigiiffimmiit unioqqutitsisoqartillugu, pineqaatissiisummik ingerlatseqatigiiffik eqqartuussaaneqarsinnaavoq. Unioqqutitsineq danskit naalagaaffianiit, Kalaallit nunaanni namminersorlutik oqartussaniit, kommuunimiit, kommuunimiluunniit ataatsimooqatigiinniit unioqqutitsineqartillugu, naalagaaffik, namminersorlutik oqartussat, kommuuni, kommuunilluunniit ataatsimooqatigiit, akiliisitaanermut akisussaaffimmik naalakkerneqarsinnaapput, kommunalbestyrelsinut, nunaqarfinnilu aqutsisunut il.il. landsting-ip inatsisaa tak. § 64

Imm. 4. Najoqqutassamut aalajangersakkanik unioqqutitsinermut piffissaliussaq pisoqalisoq, imaluunniit najoqqutassaq naapertorlugu malittarisassat atuutsinneqartut ukiut 5-pput.

Maalaarutit ingerlariaasai

§ 23 a. Najoqqutassaq taanna naapertorlugu, aalajangiussanut maalaarutinit, Inuussutissarsiornermut ministerimiit malittarisassanik atuutilersitsisoqarsinnaavoq, takuneqarsinnaasumi, aqutsisut oqartussaannut allamut maalaarutit apuunneqarsinnaannginneri.

§ 23 b. Inuussutissarsiornermut aqutsisoqarfimmiit aalajangiussat, najoqqutassamut, aalajangiussanulluunniit, najoqqutassaq naapertorlugu atuutilersitanut, Inuussutissarsiornermut maalaarnermut ataatsimiittaliat apuunneqarsinnaapput, kingusinnerpaamik sapaatit akunneri 4-t kingorna, pineqartumut aalajangiussamik nalunaarut apuutsinneqassaaq, tak. imm. 2 aamma 3.

Imm. 2. § 10, imm. 1, § 17 c, § 17 g, imm. 2-4, § 20 a, imm. 2, aamma § 21, imm. 2-mi atuutsinneqartumik, piffissaliussanik qaangiinnerup kingunerisaanik Inuussutissarsiornermut aqutsisoqarfimmiit aalajangiussineq, aamma § 20, § 20 a, imm. 1, aamma § 21, imm. 1 malillugit aalajangiussat, qullersaqarfimmi pisortamut allamut apuunneqarsinnaanngillat.

Imm. 3. § 5 a, imm. 1-mi, imaluunniit 2 -mi aalajangersakkat atuutsinneqartut naapertorlugit, Inuussutissarsiornermut aqutsisoqarfimmiit aalajangiussat, qullersaqarfimmi pisortamut allamut apuunneqarsinnaanngillat.

Kapitali 8*Atuutilersitsinermut aalajangersakkat il.il.*

§ 24. (Atorunnaarsinneqarpoq)

§ 25. Augustusip 1.-ni 2008-mi aalajangersagaq atuutilerpoq.

Imm. 2. peqatigisaanik, najoqqutassaq nr. 1216, decembarip 7.-ni 2004-meersoq atorunnaarsinneqarpoq, suliffeqarfinnut inuussutissarsiornermik ingerlatsisunut. Kalaallit nunaanni inatsisitigut atuutsinneqartussatut.

Imm. 3. (Kalaallit nunaanni atuutilersinneqassanngilaq)

§ 26. (Kalaallit nunaanni atuutilersinneqassanngilaq)

Imm. 2. Aalajangersakkami § 6, imm. 6, 1. pkt., aamma § 9-mi suliffeqarfinnut pioreersunut atuutinngillat.

Imm. 3. Suliffeqarfiit taaguutai, niuvernemi nalunaarsukkani, najoqqutassami atuutsitsilernermi naluaarsugaasut, aamma Inuusstissarsiornermut aqutsisoqarfimmi nalunaarsorneqarnermut, § 6, imm. 2-mi, Inuussutissarsiornermut aqutsisoqarfimmi nalunaarsugaassapput, maannamullu pisinnaatitaaffiup assigisaanik atuuffeqarlutik.

§ 27. (Kalaallit nunaanni atuutilersinneqassanngilaq)

§ 28. (Kalaallit nunaanni atuutilersinneqassanngilaq)

§ 29. (Ilanngunneqanngilaq)

16. september 2025
Najoqqutassaq nr. 2625, 28. decembarip 28.25ni 2021-meersoq, Kalaallit nunaanni, inatsisimik
assigiinngitsunik allannguinnermut inatsimmi, suliffeqarfinni⁴⁾ inuussutissarsiutinik ingerlatsisuni,
atuutilersitsinnermut- nuutsitsinnermullu-aalajangersakkat makkuninnga imaqarput:

§ 3

Imm. 1. Inuussutissarsiornermut minister-i atuutsitsilernermut⁵⁾ najoqqutassamut piffissamik
atuutilersitsissaaq, aamma takuneqarsinnaasumi, piffissani assigiinngitsuni najoqqutassat assigiinngitsut
ilaannik atuutilersitsisinnaavoq.

Imm. 2. Allamut ikaarnermut aaqquissuussat immikkuullarissut, Inuussutissarsiornermut ministerimiit
malittarisassanik atuutilersitsisoqarsinnaavoq, suliffeqarfinnut najoqqutassami ilaatinneqartunut, aamma
suliffeqarfiit, kiisalu taakkua suliarisaanut.

Imm. 3. Suliffeqarfiit inuussutissarsiornermik-ingelatsisunut inatsimmi § 1 a-mi ilaatinneqartut, Kalaallit
nunaanni, kunngip aalajangersagaatigut atuutilersinneqartumi, najoqqutassap taassuma § 2, nr. 5-ani
allanneqartumi, suliffeqarfinnut inuussutissarsiornermut ingerlatsinnermut inatsisini §§ 19 a-19 g-mi
piumasaqaatit, Kalaallit nunaanni, kunngip aalajangersagaatigut atuutilersinneqartumi, najoqqutassami
tassani allanneqartumik.

§ 2, nr. 27, kingusinnerpaamik ukioq 1-q aalajangersakkap atuutilersinneqarneraniit.

Imm. 4. Inatsimmi §§ 15 c-15 e-mi suliffeqarfinni inuussutissarsiornermik ingerlatsisuni, Kalaallit
nunaanni, kunngip aalajangersagaatigut atuutilersinneqartumik, najoqqutassap § 2, nr. 21-iani
allanneqartumi, uppersarsaatinut sunniuteqarpoq, ukiumoortumik naatsorsuutit suliarineqarnerinut,
najoqqutassap taassuma atuutilersinneqarnerata kingorna aallartittussamik.

Imm. 5. § 23, i m m . 4,

Suliffeqarfinnut inuussutissarsiornermut ingerlatsisunut inatsimmi, Kalaallit nunaanni, kunngip
aalajangersagaatigut atuutilersinneqartumik, aalajangersakkap § 2, nr. 38-iani allanneqartumi, inatsisinik
unioqqutitsinnernut atuuffeqartut, aalajangersakkap atuutilernera sioqqullugu pisuni, maannamut atuuttut
aalajangersakkat malillugit pisoqalisooresimanngippat.

Imm. 6. aalajangersukkat, inatsit malillugu atulersinneqartut, Kalaallit nunaanni atuutinngillat.

Inuussutissarsiornermut aqutsisoqarfik, ulloq septembarip 16.-at 2025

Jørgen Wissing Jensen

/ Søren Corfixsen Whitt

-
- 1) "inatsimmik" nalunaaruteqarneq aamma "inatsit taanna" misissorluareerneratigut imatut allanngortinneqarpoq "aalajangersagaq" aamma "aalajangersagaq taanna".
- 2) § 10, imm. 5, inuussutissarsiornermut suliffeqarfinnut inatsit, Kalaallit nunaanni atuutilersinneqanngilaq
- 3) § 10, imm. 5, inuussutissarsiornermut ingerlatsinermut inatsimmi, Kalaallit nunaanni atuutilersinneqanngilaq.
- 4) Aalajangersakkap allannguutaa makkunanut tunngassuteqarpoq § 1, imm. 2-4, § 1 a, § 2, imm. 2-4, § 3, § 4 a, kapitali 1 a, § 6, imm. 7, 2. pkt., aamma imm. 9, kapitali 3-mut qulequtaq, qulequtarisaq
kapitali 4-mut, qulequtarisimasaa § 10, §§ 10-17, § 18 a, § 19, kapitel 5 a-mi, kapitali 6-mut qulequtaq, qulequtarisimasaa § 20, § 20, § 20 a, qulequtarisimasaa § 21, § 21, § 21 a, imm. 2-3, § 21 b, imm. 2-4, § 23, imm. 1 aamma 4, aamma kapitali 7 a.
- 4) Aalajangersagaq taaneqartoq naapertorlugu, atuutilersitsinermut nalunaarutit makkua atulersinneqarput: Nalunaarut nr. 2698, decembarip 28.-ni 2021-meersoq. Jannuaarip 5.-ni 2022-mi, nalunaarut atuutilersinneqarpoq.

